

građana, stepen i smjer završenog obrazovanja, naziv preduzeća ili radnje kod koje je kandidat u radnom odnosu, datum polaganja ispita, ocjenu komisije i napomene.

Član 11.

Kandidatima koji su položili ispit izdaje se uvjerenje o položenom ispit, koje potpisuje predsjednik komisije.

Član 12.

Predsjednik, članovi komisije i sekretar imaju pravo na naknadu za rad u komisiji koju odlukom utvrđuje ministar.

Naknadu za rad komisije snosi preduzeće ili radnja koja je kandidata uputila na ispit.

Član 13.

Radnici preduzeća ili radnji koji obavljaju poslove održavanja vatrogasnih aparata, a koji nemaju položen stručni ispit, dužni su pristupiti polaganju istog, u roku od šest mjeseci od dana stupanja na snagu ovog Pravilnika.

Član 14.

Stupanjem na snagu ovog Pravilnika, na području Hercegovačko-neretvanskog kantona, prestaju važiti svi provedbeni propisi koji su regulisali ovu oblast.

Član 15.

Ovaj Pravilnik stupa na snagu danom donošenja, a biće objavljen u "Službenim novinama HNK".

Bosna i Hercegovina

Federacija Bosne i Hercegovine

HERCEGOVACKO-NERETVANSKI KANTON

MINISTARSTVO UNUTRAŠNJIH POSLOVA

M O S T A R

Broj: 02-01-04-620/05

Mostar, 05.05.2005. godine

M I N I S T A R

Tomislav Martinović, dipl.iur.s.r.

PROGRAM POLAGANJE STRUČNOG ISPITA ZA ODRŽAVANJE VATROGASNIH APARATA

Program za polaganje stručnog ispita za održavanje vatrogasnih aparata sastoji se od teorijskog i praktičnog dijela, a obuhvaća sljedeće predmete:

1. Osnove zakonske regulative obuhvaća poznavanje slijedećih propisa:

- Zakon o zaštiti od požara i propisi donijeti na osnovu njega;
- Zakon o zaštiti na radu;
- Zakon o zaštiti čovjekove okoline;
- pravilnike i norme za mjerne jedinice, mjerila i meteorološke uslove;
- propise za posude za komprimirane, tekuće i pod pritiskom otopljene gasove;

2. Osnove procesa gorenja i gašenja

Obuhvaća poznavanje propisa i osnove teorije procesa gorenja i gašenja:

- klasifikacija materija i roba;
- gorenje materija ;
- proizvodi gorenja;
- klasifikacija požara;
- sredstva za gašenje;
- načini gašenja;
- održavanje i skladištenje sredstava za gašenje.

3. Vatrogasni aparati obuhvaćaju poznavanje propisa i normi koje se odnose na:

- vrste i tipovi vatrogasnih aparata;
- konstrukciju i princip rada vatrogasnih aparata;
- tehničke osobine vatrogasnih aparata;
- rukovanje s vatrogasnim aparatima.

4. Praktični rad

Obuhvaća poznavanje i izvođenje radnji iz:

- periodičnog pregleda;
- kontrolnog ispitivanja;
- gašenje tipskog žarišta.

92

Na osnovu člana 5. stav 1. Zakona o zaštiti od požara ("Službene novine HNK" broj 5/04), ministar unutrašnjih poslova, donosi

PRAVILNIK

O SADRŽAJU PLANA ZAŠTITE OD POŽARA I TEHNOLOŠKIH EKSPLOZIJA

I OPĆE ODREDBE

Član 1.

Ovim Pravilnikom propisuje se sadržaj plana zaštite od požara i tehnoloških eksplozija (u daljem tekstu: plan) za pravno lice te za područje općine, grada i Kantona.

Plan se sastoji od grafičkog i tekstuarnog dijela.

Član 2.

Grafički dio plana izrađuje se za pojedinačnu građevinu, postrojenje i prostor.

Član 3.

Tekstualni dio plana uređuje način postupanja vatrogasnih jedinica i drugih učesnika u akciji gašenja požara.

Član 4.

Planom se određuje broj, veličina, smještaj i organizacija vatrogasnih jedinica na osnovu procjene ugroženosti od požara.

Član 5.

Plan se usklađuje nakon svake izmjene unijetih podataka, a u rokovima određenim Zakonom o zaštiti od požara ("Službene novine HNK br. 5/04").

II IZRADA GRAFIČKOG DIJELA PLANA

Član 6.

Grafički dio plana izrađuje se na listovima formata A4 ili A3, u mjerilu u kojem je prikaz pregledan.

Ako se na jednom listu ne može prikazati građevina, postrojenje ili prostor, izrađuje se i pregledni dio grafičkog plana na posebnom listu.

Član 7.

Grafički dio plana mora imati ucrtana polja s razmacima od 10 metara u odabranom mjerilu i strelicu u pravcu sjevera.

Pregledni plan može imati ucrtana polja razmaka koji su višekratnici broja 10

Član 8.

U grafičkom dijelu plana upotrebljavaju se simboli, oznake i boje, prema važećim propisima.

Simboli oznake i boje iz stav 1 ovog člana neće se upotrebljavati ako utiču na prepoznatljivost tehnološkog postrojenja odnosno instalacije ili umanjuju prepoznatljivost vatrogasnih simbola i oznaka na planu.

III PLAN PRAVNOG LICA

Član 9.

Grafički dio plana za pravno lice sastoji se od listova iz člana 6. ovoga Pravilnika, u broju dovoljnom da se obuhvate sve građevine, postrojenja i prostor koji su njegovo vlasništvo ili su mu dati na korištenje.

Član 10.

Broj spratova građevine mora se prikazati na listovima u kombinaciji podrumskih spratova, prizemlja, gornjih spratova i potkrovila.

Član 11.

U grafičkom dijelu plana pravnog lica u gornjem desnom uglu je prazno polje širine 30 mm i visine 10 mm za unošenje registracijskog broja, a u donjem desnom uglu je prazno polje visine najviše 30 mm za označavanje građevine ili građevina, te mjerilo u kojem je plan izrađen.

Član 12.

U grafičkom dijelu plana pravnog lica glavni pristup za vatrogasna vozila mora se nalaziti na donjem dijelu lista.

Član 13.

Grafički dio plana za pravno lice sadrži najmanje sljedeće podatke:

- oznaku građevine ili postrojenja,
- namjenu građevine ili postrojenja,
- oznake spratova,
- tlocrt prizemlja i raspored prostorija s naznačenom namjenom,
- oznaku protupožarnih pregradnih zidova,
- oznake otvora u stropovima i zidovima,
- oznake pristupa,
- oznake stubišnih prostora sa smjerom silaženja pristupa spratovima,
- oznake puteva za intervenciju i puteva za spašavanje,
- oznake mjesta za prolaz dima i topline,
- oznake usponskih hidrantskih vodova (mokrih/suhih),
- oznake stabilnih ili pokretnih uređaja za gašenje s podacima o vrsti, količini sredstava za gašenje i položaju stabilnih instalacija za gašenje.

Član 14.

Grafički dio plana pravnog lica sadrži podatke o vrsti količini zapaljivih tečnosti i gasova te otrovnih radioaktivnih i eksplozivnih materijala.

Podaci iz stav 1. ovoga člana moraju biti upotpunjeni upozorenjima u pogledu sredstava za gašenje koja se ne smiju upotrebljavati.

Član 15.

U grafičkom dijelu plana pravnog lica moraju biti prikazana mjesta za uzimanje vode za gašenje te mjesta za prekid dovoda energenata u građevinu ili postrojenje.

Član 16.

Pregledni dio grafičkog dijela plana pravnog lica mora sadržavati najmanje sljedeće podatke:

- nacrt građevine ili postrojenja,
- oznake građevina ,
- oznake broja spratova,
- oznake prolaza,
- oznake površina koje nisu upotrebljive za vatrogasna vozila,
- oznake površina za vatrogasne pristupe,
- oznake graničnih i susjednih ulica,
- oznake graničnih i susjednih građevina i njihove namjene,
- oznake vanjskih i uličnih hidranata.

Član 17.

Grafički dio plana pravnog lica sadrži legendu upotrebljenih simbola i oznaka.

Član 18.

Tekstualni dio plana za pravno lice sadrži:

- naziv mesta te način primanja dojave požara,
- obaveze u postupanju, zapovijedanju i ovlaštenja učesnika u primanju obaviještenja o požaru i dalnjem organizovanju akcije gašenja,
- način uključivanja službe za pružanje prve medicinske pomoći,
- brojčano stanje vlastitih jedinica za gašenje požara te cjelokupna organizacija gašenja kada se u akciju gašenja uključuju vanjske profesionalne i dobrovoljne vatrogasne jedinice,
- slučajeve te načine pozivanja i uključivanja distributera energenata u intervenciju,
- nazive građevina ili postrojenja na kojima se požar gasi u prisutnosti odgovornog ili stručnog lica u toj građevini zbog specifičnosti tehničkog postupka,
- nazive građevina ili postrojenja u kojima se može očekivati eksplozija u požaru,
- nazive građevina ili postrojenja u kojima se nalaze izvori radioaktivnog i drugog opasnog i otrovnog materijala i materija te postupci koji se preduzimaju u slučaju požara,
- nazive radnih mesta i lokacije na kojima su smješteni ključevi od prostora ili prostorija u kojima se nalaze mesta za prekid dovoda energenata u građevinu,
- razrađen radio i telefonski sistem za pozivanje svih učesnika koji sudjeluju na gašenju požara.

IV PLAN ZA PODRUČJE OPĆINE I GRADA**Član 19.**

Grafički dio plana za područje općine ili grada, sadrži:

- prikaz saobraćajnica s ucrtanim pristupima objektima prve i druge kategorije,
- prikaz sistema za opskrbu vodom za gašenje požara s identifikacijskim podacima,
- prikaz glavnog energetskog i komunalnog razvoja s ucrtanim i obilježenim glavnim ventilima,
- pregled broja, veličine i smještaja (lokacije) profesionalnih i dobrovoljnih vatrogasnih jedinica.

Član 20.

Grafički dio plana za područje općine ili grada sadrži i pregledne karte šuma na kojima se prikazuju:

- područja šuma po stepenima ugroženosti od požara,
- saobraćajnice i šumski putevi prohodni za vatrogasna vozila,
- putevi i staze prohodne za vatrogasce,
- crpilišta za vatrogasna vozila i crpilice,
- mjesta smještaja sredstava i opreme za gašenje požara,
- mjesta smještaja motričko-dojavnih stanica,
- šumski prosjeci te prirodne prepreke za spriječavanje prijenosa požara,
- elektroenergetske trase vodova,
- mjesta smještaja opreme i mehanizacije za gašenje šumskih požara.

Član 21.

Tekstualni dio plana za područje općine ili grada sadrži:

- sistem uključivanja profesionalnih i dobrovoljnih vatrogasnih jedinica u akciju gašenja požara,
- sistem subordinacije i zapovijedanja u akcijama gašenja većih požara,
- načine pozivanja i uključivanja distributera energenata u akciju gašenja požara,
- uključivanje komunalnih preduzeća u akciju gašenja požara,
- uključivanje službi za pružanje prve medicinske pomoći u akciju gašenja požara,
- uključivanje službi ili preduzeća te odgovornog lica za opskrbu hranom i vodom u akciju gašenja požara,
- način zamjene vatrogasnih jedinica s novim jedinicama na gašenju požara,
- način uključivanja vojske oružanih snaga na gašenju požara,
- slučajeve kada se i koji općinski i gradski čelnici upoznaju s nastalim požarom,
- slučajeve kada se u akciju gašenja požara pozivaju, odnosno uključuju vatrogasne jedinice izvan općine i grada,
- način i slučajeve upotrebe opreme i vozila posebne namjene u gašenju požara ili spašavanju lica,
- nazive građevina i otvorenog prostora na kojima se može očekivati požar većih razmjera,

nazine građevina u kojima su sadržane radioaktivne, eksplozivne, otrovne i druge opasne materije.

Član 22.

Tekstualni dio plana za područje općine ili grada sadrži i popis lica odgovornih za provođenje planova pravnih lica iz prve i druge kategorije ugroženosti od požara.

Član 23.

Sastavni dio plana za područje općine ili grada su planovi pravnih lica čije su građevine razvrstane u prvu i drugu kategoriju ugroženosti od požara.

Planovi pravnih lica iz stav 1. ovoga člana označavaju se na način koji omogućuje djelotvornu upotrebu.

V PLAN ZA PODRUČJE KANTONA

Član 24.

Grafički dio plana za područje Kantona sadrži:

- pregled građevina i otvorenog prostora važnih za Kanton te građevina i otvorenog prostora u kojima se može očekivati požar većih razmjera u kojem bi učestvovali vatrogasne jedinice s područja više općina ili s područja susjednih kantona,
- pregled broja, veličine i smještaja vatrogasnih jedinica koje bi učestvovali u gašenju požara navedenih u podstavu 1. ovog člana,
- prikaz uređenih opskrbilišta vodom za gašenje požara,
- prikaz magistaralnih vodova za opskrbu električnom energijom, gasom, vodom i drugim energentima,
- prikaz magistralnih puteva, željezničkih pruga i vodotokova,
- prikaz potencijalnih izvora opasnosti za nastanak i širenje požara (odlagališta ili deponija otpada, trase uz željezničke pruge i ispod dalekovoda i sl.),
- sistem radio i telekomunikacijskih veza vatrogasnih jedinica na gašenju požara,
- pregled opreme i vozila za posebne namjene kojima raspolažu vatrogasne jedinice.

Član 25.

Tekstualni dio plana za područje Kantona sadrži:

- organizacija zapovijedanja u akcijama kada u gašenju požara učestvuje više vatrogasnih jedinica i stanovništvo,
- razrađen sistem primanja dojave o požaru i uključivanja u akciju gašenja požara vatrogasnih jedinica te ostalih učesnika,

- slučajeve kada se i koje vatrogasne jedinice stavlaju u stanje pripravnosti te zaduženja u pogledu provođenja,
- nazine i zaduženja zdravstvenih ustanova koje se uključuju u pružanje pomoći ozlijedenim u akcijama gašenja požara,
- nazine i zaduženja službi i preduzeća te lica koja će gasioce obezbjediti hranom i vodom tokom gašenja požara,
- slučajeve kada se u akciju gašenja požara uključuje vojska odnosno pripadnici oružanih snaga
- slučajeve kada se kantonalni čelnici upoznaju s nastalim požarom,
- nazine općina, grada ili pojedinog područja čiji planovi čine sastavne dijelove plana Kantona,
- razrađen sistem ophodnje, motrenja i dojave vatrogasnim jedinicama i drugim službama u slučajevima prijeteće opasnosti za nastajanje požara na šumskom ili drugom otvorenom prostoru.
- popis pravnih osoba koje razpolazu s potrebnom opremom i mehanizacijom koja bi se mogla koristiti u većim požarima ili havarijama, s osnovnim podacima o toj opremi i mehanizaciji te razrađen sistem uključenja u gašenje požara.

VI ZAVRŠNE ODREDBE

Član 26.

Plan zaštite od požara mogu izrađivati pravna lica koja kao redovnu djelatnost obavljaju poslove zaštite od požara.

Član 27.

Dijelovi plana mogu se označiti određenim stepenom tajnosti.

Član 28.

Stupanjem na snagu ovog Pravilnika, na području Hercegovačko-neretvanskog kantona, prestaju važiti svi provedbeni propisi koji su regulisali ovu oblast.

Član 29.

Ovaj Pravilnik stupa na snagu danom donošenja, a biće objavljen u "Službenim novinama HNK".

Bosna i Hercegovina

Federacija Bosne i Hercegovine

HERCEGOVACKO-NERETVANSKI KANTON

MINISTARSTVO UNUTRAŠNJIH POSLOVA

M O S T A R

Broj:02-01-04-622/05

Mostar,05.05.2005.godine

MINISTAR
Tomislav Martinović, dipl.iur.s.r.